



Esp. kodea: 2024EDIR0009

Gaia: 2024ko dirulaguntza eskaera: Goiena papera

Titularra: GOIENA KOMUNIKAZIO TALDEA eta telebista nahiz irratia egitasmoetarako
KOOP ELKARTEA

Hitzarmena

Arrasateko Udala eta Goiena komunikazio taldearen artekoa, udal irratia elkarlanean antolatu eta finantzatzeko

Bildurik

Alde batetik, Iban Arantzabal Arrieta jauna, NA 72455964F duena, adinez nagusia, Goiena Komunikazio Taldearen izenean eta errepresentazioz.

Eta bestetik, Maider Morras Azpiazu, Arrasateko Udaleko alkate-udalburua, beronen izenean eta ordezkari gisa, horretarako behar bezala ahaldundua dagoelarik.

Bi aldeek, hitzarmena egiteko eskuduntza eta gaitasuna aitortzen diote elkarri

Lege testuingurua

Euskararen Erabilpena Arauzkotzeko azaroaren 24ko 10/1982 Oinarrizko Legeak herritarren hizkuntza eskubideak aitortu eta herri-agintek hizkuntzaren alorrean dituzten betebeharrak ezartzen ditu. Albisteak eta informazioa euskaraz jasotzeko eskubidea aitortzen die herritarrei, besteak beste. Lege horren arabera, beraz, Euskal Herriko herri-agintek –eta, zehazkiago esanda, udalek– euskara zabaltzeko eta zabaltzeko obligazioa dute, bai eta komunikabideen arloan ere.

Horretaz gain, 2/2016 Legeak, apirilaren 7koa, Euskadiko Toki Erakundeei buruzkoa, 7. artikuluan zehazten du udalei izendatzen zaiela eskumen propio gisa, izendatuta dauzkaten arloetako zerbitzu eta jardueretan euskararen erabilera sustatzeko eta euskararen normalizazioa planifikatzeko eskumena.

Azalpenak

Handia eta aberatsa izan da azken urteotan Arrasaten eta Debagoienean herri eta eskualde komunikabideen alde egindako lana eta ahalegina. Horren fruitu emankor bilakatu dira herritarrengandik hain harrera ona eta beroa jaso duten Goiena papera, Goiena telebista, Goiena.eus eta Arrasate Udal Irratia.

Proiektu horietan guztietan, Arrasateko euskara elkarteek berebiziko garrantzia izan dute, euren ekimenez sortu baitira komunikabideok. Herri agintek, bestalde, ezinbesteko bultzada eman diete, behar zituzten azpiegiturak, baliabideak, dirulaguntzak eta babesa eskainiz. Herri ekimenaren eta administrazioaren arteko elkarlanaren fruitu dira, beraz, gaur egun Goiena Komunikazio Taldeak kudeatzen dituen komunikabideok. Arrasateko Udalak garrantzi handiko deritza, batetik, Goiena Komunikazio Taldeak egiten duen lan eskergari behar bezalako laguntza ematen jarraitzeari eta, bestetik, bide batez, geroa ziurtatu eta sendotzeari ere.

Hori guztia dela eta, hitzarmen hau izenpetzen dute, ondorengo klausulen arabera:

Kodea	BD24/00008	Udala	Arrasate/Mondragón	
CUDO	000.0055.AAA11P01.7.LTSG			
URL	https://uzt.gipuzkoa.eus/PortalV/r/eu/55/AAA11P017.LTSG			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia				



Esp. kodea: 2024EDIR0009

Gaia: 2024ko dirulaguntza eskaera: Goiena papera

Titularra: GOIENA KOMUNIKAZIO TALDEA eta telebista nahiz irratia egitasmoetarako
KOOP ELKARTEA

Klausulak

Lehenena. Arrasateko Udalak eta Goiena Komunikazio Taldeak udal irratia elkarlanean kudeatzea eta finantzatzea da hitzarmen honen helburua.

Bigarrenena. Arrasateko Udala da irrtiaren titularra eta alkate-udalburua edo, hala behar duenean, Euskara batzordeko burua izango da haren ordezkari, Udal Irratiaren kudeaketari dagokionez.

Hirugarrenena. Udal Irratiak euskaraz egingo ditu bere emanaldi guztiak.

Laugarrenena. Arrasateko Udalak Otolara Lizentziatua kaleko 31n dituen lokaletan izango da Udal Irratiaren egoitza. Lokalak dohainik utziko dizkio udalak Goiena Komunikazio Taldeari, eta hitzarmen honen eginkizunak eskatzen duen erabileragatik egoitzan sor daitezkeen gastuak udalaren kontura izango dira.

Bosgarrenena. Goiena Komunikazio Taldeak eratuko ditu udal irrtiaren saioak eta emanaldiak. Emanaldiak, 11/1991 legearen 2. artikuluan azaldutako printzipioetan oinarrituko dira.

Seigarrenena. Udal irratiko publizitatearen bidez jasotako dirua udal irrtiaren sarrerak osatzeko erabiliko ditu Goienak.

Zazpigarrenena. Hitzarmen honen bidez adostutako jarduera finantzatuko du Arrasateko Udalak, parametro hauek kontuan izanik: pertsonal kostu zuzena eta zeharkakoa, ordezkapenak eta mantenu orokorra, bai eta inbertsioetarako partidak ere. Halaber, aurrerantzean egon daitezkeen indemnizazio edo erantzukizunetarako hornidurak. Gastu horiei Goiena Komunikazio Taldeak publizitate kontzeptuan jaso dezakeen kopurua kenduko zaio. Aurrerantzean, Goiena Komunikazio Taldeak jakinaren gainean jarriko du Arrasateko Udala langileren bat kontratatatu behar duen bakoitzean.

Zortzigarrenena. Aurreko klausulak jarraituz egindako kalkuluen arabera, Arrasateko Udalak 30.000 €-ko diru kopurua emango dio Goiena Komunikazio Taldeari 2024 urteko jardueragatik.

Bederatzigarrenena. Koordinazio mekanismoak eratuko dituzte bi aldeek, erabakiak hartu aurretik adostasuna lortzea beharrezkoa den kasuetarako. Koordinazio mekanismo gisara bitariko batzordea eratzea adosten da, hitzarmen honen betetze eta interpretazioan sor daitezkeen arazoak ebazteko egitekoarekin. Batzorde hori osatuko dute Euskara saileko zinegotzi eskuordetuak eta Goiena Komunikazio Taldeko Lehendakariak.

Hamargarrenena. Hitzarmen honek finkatzen duen dirulaguntza hamabi zatitan ordainduko dio Arrasateko Udalak Goiena Komunikazio Taldeari. Hitzarmen hau sinatu eta berehala ordainduko dio Arrasateko Udalak Goiena Komunikazio Taldeari urte hasieratik hona pasatu diren hilabeteen likidazioa, emandako aurrerakinak deskontaturik. Datorren urtean ere hamabi zatitan ordainduko dio Udalak Goiena Komunikazio Taldeari urteko dirulaguntza; bera finkatu arte aurrerakin moduan ordainduko dio, aurtan emandakoaren arabera, baina 2025eko aurrekontuetan onartutako kopuruaren mugaraino.

Hamaikagarrenena. Aurtengo jardueraren azalpen memoria aurkeztuko du Goiena Komunikazio Taldeak datorren 2025eko urtarrilaren 15a baino lehen, eta, horrekin batera, emaitzen balorazioa eta diru

Kodea	BD24/00008	Udala	Arrasate/Mondragón	
CUDO	000.0055.AAA11P01.7.LTSG			
URL	https://uzt.gipuzkoa.eus/PortalV/r/eu/55/AAA11P017.LTSG			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia				



Esp. kodea: 2024EDIR0009

Gaia: 2024ko dirulaguntza eskaera: Goiena papera

Titularra: GOIENA KOMUNIKAZIO TALDEA eta telebista nahiz irratia egitasmoetarako
KOOP ELKARTEA

kontuen likidazioa. Bestalde, udal irratia datuak eta agiriak aurkeztuko ditu Goiena Komunikazio Taldeak, urteko jarduera finantzatzeko Arrasateko Udalak emandako dirulaguntza zuzentzeko aurkeztu behar dituen datuekin eta agiriarekin batera, dagokion enpresa eskudunak Goiena Komunikazio Taldearen finantza egoerari buruz egingo duen auditoriaren barruan.

Hamabigarrena. Eusko Jaurlaritzako Hizkuntza Politikarako Sailburuordetzak eman ditzakeen dirulaguntzak justifikatzeko beharrezko fakturen kopiak eta ziurtagiriak ere Goiena Komunikazio Taldeak prestatuko ditu.

Hamairugarrena. Alderdiek ez badituzte dagozkien betebeharrak betetzen, hitzarmena bertan behera uzteko prozedura hasiko da. Hitzarmena bertan behera utziz gero, hitzarmena bete duen alderdia bere betebeharrak betetzetik salbu geratuko da.

Hamalagarrena. Hitzarmen honek urtebeteko iraunaldia izango du, baina automatikoki bertan behera geratuko da, 2025 urteari dagokion hitzarmena sinatzen den egunean.

Eta horrela jasota uzteko eta adostasuna adierazteko, honako hitzarmen hau egin eta izenpetzen dute bildutakoek.

Goiena Komunikazio Taldeko lehendakaria

Arrasateko Udaleko alkate-udalburua

Kodea	BD24/00008	Udala	Arrasate/Mondragón	
CUDO	000.0055.AAA11P01.7.LTSG			
URL	https://uzt.gipuzkoa.eus/PortalV/r/eu/55/AAA11P017.LTSG			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia				